

xvii

(...)

Vente de pappiers faicte par pie(rre)
vayssier a m(aîtr)e guill(aum)e pendaries
not(air)e

Ce jourd huy **quatorzie(me)** du mois d'**avril mil six cens
deux** apres midy a **villemur** etc pard(evant) moy not(air)e
royal et()p(rese)ns les tesmoings bas nommes dans ma ma(is)on
estably en personne, **pie(rre) vayssier fils a feu bertrand**
quand vivoit **marchant** de villemur, lequel de gré et
franche volonté a faict vente par la tene(ur) du p(rese)nt
instrument a m(aîtr)e guill(aum)e pendaries not(air)e royal dud(it)
villemur p(rese)nt stipulant et acceptant

.....
scavoir est tous et ch(ac)uns **les prothocolles cedés
et au(tr)es pappiers** a luy appartenant et a luy advenus de feu
m(aîtr)e **micHEL vayssier** en son vivant **not(air)e royal** dud(it) villemur
son ayeul et tant ceulx par luy retenus q(ue) ceulz de m(aîtr)e
pie(rre) tholsa gaillard vayssier en]son[le(ur) vivant **not(air)es** aussi
dud(it) villemur et au(tr)es not(air)es des pappiers desquelz
led(it) feu m(aîtr)e micHEL vayssier avoit la colla(ti)on, ans soy
rien reserver comme sont a plain speciffiez en l invent(aire)
q(ue) lesd(ites) parties ont dict en avoir faict, duquel ung
ch(ac)un a retiré copp(ie) et lesquelz pappiers et()prothocolles
led(it) pendaries a dict avoir en son pouvoir et ceste
vente led(it) vayssier luy a faicte po(u)r et moyennant le pris et
som(m)e de trente escus sol revenant a quatre vingtz dix
livres t(ournoi)z de()laquelle som(me) icell(ui) vayssier a confesse avoir
receu cy devant la som(m)e de dix livres t(ournoi)z dont s est contente
et les vingt six escus quarante soulz restans led(it) pendaries
promect et sera tenu luy payer et satisf(air)e scavoir entre huy
et la prochaine feste de toussainctz sceize escus quarante souls
et les dix escus restans de lad(ite) feste en ung an aprez
suivant et moyennant ce led(it) vayssier s est dessaisy et
devestu desd(its) pappiers et en a saisy led(it) pendaries po(u)r luy
et les sciens a l advenir, en f(air)e jouyr et uzer tant en propriete
q(ue) uzufruct a leur plaisirs et vouldontez comme ung
ch(ac)un faict de sa cause propre, promettant luy f(air)e
tenir et()valoir lad(ite) vente et l indempniser envers et contre
tous q(ui) sur lesd(its) pappiers et()prothocolles demanderoient
rien tant en prin(cip)al q(ue) despens dommages et()interestz
soubz obliga(ti)on de tous et ch(ac)un ses biens etc soumis
etc renon(çant) etc juré p(rese)ns m(aîtr)es andre romaignac ysaac solier
praticiens guill(aum)e timbal de vill(emur) habit(ant)z et je not(air)e soubz(sig)ne

Vaissier

Pendaries

Mention marginale

le dixie(me) febvrier
mil six cens six

avant midy a vill(emur)
a esté en personne
le susd(it) pierre
vayssier lequel a
decalire et confesse
avoir receu dud(it)
pendaries p(rese)nt
la som(m)e de quatre
vingtz livres
restantes de la som(m)e
de trente escusportes
par led(it) inst(rument) de
vente de laquelle som(m)e
de trente escus s est
tenu po(u)r bine
contant et satisfait
et en a quité led(it)
pendaries consentant
a la cancella(ti)on
dud(it) instr(ument) en ce
que portedehte le
surplus d icell(ui)
demeurant en
sa force et valleur
ainsi l a juré p(rese)ns
hugues vacquie
anth(oin)e pego dud(it)
vill(emur) habit(ant)z ne
scachant escrire et
je not(air)e

Vaissier

Timbal, not(aire)